

念字箴言

宋雪盦

敬題



(社址：室內西檢馬椿孟阮)  
北平宗教哲學研究社敬贈  
(電話：南局三六五六號)

月 五 年 五 十 國 民

贈 社 法

館 書 國 中 北 立 國

蕭昌明先生鑒定

念  
字  
經

劉濬清敬題



念字箴言

念字箴言

忠 恕 廉 明 德


正 義 信 忍 公

博 孝 仁 慈 覺

節 儉 真 禮 和

念字箴言

忠



忠

箴

中心為忠 謂無貳心  
如為人謀 竭盡丹忱  
無慙衾影 無疚神明  
鞠躬盡瘁 不計死生

# 註解

中心爲忠。謂無貳心。

忠之字義。乃中心兩字合成。是言心獨居

中。不能有貳。○（詩）「上帝臨汝、無貳爾心、」

如爲人謀。竭盡

丹忱。

若替他人籌畫一事。要竭盡其心力。方可謂之盡職。○（論語）「爲人謀而不忠乎、」

爲替也、謀籌畫也、丹忱、赤心也、

無慙衾影。無疚神明。

能如

是盡職。則對於自己之衾影。上界之神明。自然不生慙愧。○（劉子新論）「獨立不慙影、獨寢不愧衾、」慙、音蠶、羞愧也、衾、音欽、大被也、鞠躬盡瘁。不計死生。是

敬慎其事。勞瘁其心。不能成功之時。卽斷送生命。亦不計較。此乃精忠之本色。○（諸葛亮後出師表）「鞠躬盡瘁、死而後已、」

## 故事

（一）文天祥既拘燕三年。一日。元主召至。論之曰。汝移所以事宋者事我。當以汝爲相。天祥曰。吾受宋恩甚厚。惟有盡忠而已。豈有事二姓之理哉。願賜一死。臨刑。從容謂吏卒曰。吾事畢矣。南面再拜。殺於柴市。俄有詔止之。至則死矣。其衣帶中有贊曰。孔曰成仁。孟曰取義。惟其義盡。所以仁至。讀聖賢書。所學何事。而今而後。庶幾無愧。



(二)王逵者。屯田郎中李曇僕也。既而去曇應募。選入捧日軍。曇父子坐軍械繫御史台獄。親友無一人敢詢問之者。逵旦夕守台門不離。給飲食候信問者四十餘日。曇坐貶恩州別駕。諸子流嶺外。逵哭送之。防者逼之。逵曰。我主人也。豈得不爾。數日曇死。逵爲治喪事。朝夕哭如親父子。殯於城南而去。

(三)劉安世除諫官。未拜命。入白母曰。朝廷不以兒不肖。使居言路。諫官須明目張胆。以身任國。脫有觸忤。禍譴立至。主上方以孝治天下。若以老母辭。當可免。母曰。不然。吾聞諫官爲天子諍臣。汝父平生欲爲之而弗得。汝幸居此地。當捐身以報國恩。使得罪流放。無問遠近。吾當從汝所之。安世受命。是以正色立朝。面折

廷爭。人目之爲殿上虎。卒爲名臣。諡忠定。

(四)毛惜惜淮之官妓也。宋李全降金。攻淮。淮帥降。全適宴客。召惜歌以侑客。數召而後至。俯首不歌。帥曰。吾向令汝歌。今不歌何也。惜惜曰。朝廷以重兵付汝。一旦降賊。汝亦賊也。吾雖官妓。豈爲賊謳歌者哉。帥怒。殺之。

念字箴言

恕箴



恕

恕之意義 體諒為心

善若已出 惡勿施人

不責不及 不強不能

取長舍短 誰不欽承

箴

# 註解

恕之意義。體諒爲心。待人接物。善於體貼。格外諒解。乃恕之

意義。善若己出。惡勿施人。見人之善。如己之善。己有不善

。不加於人。卽是善於體貼。○（接漢書）「孔融聞人之善、皆出諸己、言有可採、必演而成之、面告其短、退而稱其所長、薦達賢士、多所獎進、知而未言、以爲己過、海內英俊、多信服之、」（論語）「己所不欲、勿施於人、」施、加也、

不責不及。不强不能。人有不及之處。不必苛求。當念其犯非有

意。人有不能之處。不必勉強。當  
憫其才力不足。卽是格外諒解。當  
取長舍短。誰

不欽承。

大凡用人。不要在一人身上求全責備。若  
取其所長舍其所短而用之。則天下英俊。

無不欽仰  
承受也。

## 故事

(一) 劉寬。字文饒。雖居倉卒。未嘗疾言遽色。夫人欲試寬  
。令恚。伺當朝會。嚴裝已訖。使侍婢奉肉羹。翻汗朝  
衣。寬神色不異。乃徐言曰。羹爛汝手乎。

(二) 宋韓魏公帥定武時。夜作書。令一侍兵持燭。侍兵他顧  
。燭然公鬚。公以袖麾之。作書如故。少頃回視。則已

易其人矣。公恐主吏鞭之。急呼曰。勿易。渠今解持燭矣。

(三)宋二程夫子母侯氏。教子方嚴。雖小過。必請於父而責正之。嘗曰。父不知子之過。皆母溺愛而隱蔽之也。故教子則嚴而有禮。至待僕妾。則恕而有恩。未嘗笞杖之。二子明道伊川先生。遵夫人之教。而成大儒。

(四)鄒媼宋人繼母之女也。前母兄娶妻荆氏。繼母惡之。飲食常不給。媼私以己食繼之。母苦役荆。媼必與俱。荆有過誤。媼不令荆知。先引爲己罪。母每扑荆。則跪而泣曰。女他日不爲人婦耶。有姑如是。其母樂乎。奈何。令嫂氏父母日蹙憂女之眉耶。母怒。欲笞媼。媼曰。願爲嫂受笞。嫂實無罪。母徐察之。後適爲士人妻。舅姑

妯娌姊妹知其賢也。皆敬重焉。媼歸寧。抱數月兒。嫂置諸牀上。兒偶墜火欄額。母大怒。媼曰。吾臥於嫂室不慎。嫂不知也。兒竟死。荆悲悔不食。媼不哭。爲好語相慰曰。嫂作意耶。我夜夢凶兒當死。不則我將不利。強嫂食而後食。母後見女之得愛於夫家也。竟成慈母。媼嘗病。嫂爲素食三年。媼五子。四登進士。年九十而卒。



念字箴言

廉駭



一一一

廉

廉潔之士 勿貪一介

淡泊為懷 寧守狹隘

箴

不染一塵 心清如水

捐金沉珠 何況以賄

# 註解

廉潔之士。

做事有分辨。不苟取。謂之廉潔之士。

勿貪一介。

雖至微至細之一粒芥子。不起貪心。○  
(孟子)「一介不以取諸人」、「介與芥通、淡泊爲懷。」

不起貪心。胸中自然淡泊恬靜貌。

寧守狹隘。

照表面觀之。似乎過於拘執。偏於狹

隘。其實想做超乎流俗之人。一定要從謹小慎微做起。平時既可貪一小介。將來做大事業。卽貪贓枉法之事。

亦復可做。所以寧守不變。○隘、音愛不廣也。

不染一塵。心清如水。

既有分辨。既不苟取。則心如水之澄清。自然不爲塵俗所染。○(佛家語)「人類有八萬四千塵勞、若皈依清

靜、則塵勞毫無染着。(前漢書鄭崇傳)「臣門如市。臣心如水。」捐金沉珠如有傷廉之事

。雖金之貴。可以捐棄。雖珠之寶。可以沉沒。○(東都賦)「捐金於山、沉珠於淵」何况以賄

。至於以財物送人而請託事情。或因人請託事情而受財物。比種行賄受賄之事。廉潔之士。決不敢爲○

(北史樊子蓋傳)「帝謂樊曰、人道公清、定如此否、子蓋謝曰、否、安能清、止是小心不敢納賄耳、」

## 故事

(一)漢楊震遷東萊太守。當之郡。道經昌邑。故所舉荊州茂才王密爲昌邑令。謁見。至夜懷金十斤以遺震。震曰。故人知君。君不知故人。何也。密曰。暮夜無知者。震曰。天知地知。我知子知。何謂無知。密愧而出。後轉

涿郡太守。楊公廉。不受私謁。子孫常疏食步行。故舊長者。或欲令爲開產業。震不肯曰。使後世稱清白吏。子孫以此遺之。不亦厚乎。

(二)趙軌有行檢。周葵王引爲記室。以清苦聞。其東鄰有桑。樵落其家。軌遣人悉拾還其主。戒諸子曰。吾非以此求名。意非機杼物。不取於人。汝等宜以爲戒。

(三)唐崔元暉母盧氏。嘗戒元暉曰。吾聞姨兄辛元馭曰。兒子從宦者。有人來云。貧乏不自存。此是好消息。若貲財充足。裘馬輕肥。此是惡消息。吾嘗以爲確論。比見親表中仕宦者。務多財以奉親。而其親不究所從來。但以爲喜。若出乎祿廩可也。不然何異盜乎。縱無大咎。獨不內愧於心。汝今爲吏。不務潔清。無以戴天履地。

宜識吾心。故元暉所至。以清白名。

(四)曹脩古知興化軍。卒於官。貧不能歸葬。賓佐贈錢五十萬。妻欲受之。季女泣白其母曰。我先人在。未嘗受賓佐餽儀。奈何以賻錢累其身後。母從之。盡卻不受。

念字箴言

明箴



# 明箴

清明在躬 認理遠到  
心領神會 有如燭照  
愛知其惡 憎知其善  
酌理衡情 自能達變



# 註解

清明在躬。

神志湛然。心境清明之人。禮）一清明在躬、志氣如神、

認理

遠到

認定事物之理。自然遠大。自然周到

心領神會。有如燭照

。一事當前。凡心領神會之處。如燭光所照。無不了然。（韓文）「若燭照數計而龜卜也。」燭照、喻料事之明

也。愛知其惡。憎知其善。

親愛之人。能知其不好處。憎惡之人。能

知其好處。可謂明也矣。○（禮）「愛而知其惡、憎而知其善、」

酌理衡情。自能

達變。

既明察事物之真偽虛實。再斟酌每事之道理。衡量當時之情形。自能通權達變的做去。

# 故事

(一)魏司馬悅除豫州刺史時。董毛奴齎錢五千。死於道路。群縣疑張堤爲劫。又於堤家得錢五千。堤懼。自評言殺。獄至州。悅引見毛奴兄靈之曰。此賊遺何物。對云。惟一刀鞘。悅視之曰。此非里巷所爲。召州城刀匠示之。有郭門者曰。此門所作。去歲賣與董及祖。悅收及祖詰之曰。汝何故殺人取錢而遺刀鞘。靈之又於及祖身上。得毛奴所着皂襦。及祖伏法。

(二)晉裴度在中書。左右忽自失印。聞者莫不變色。度即命張筵舉樂。人不曉其意。夜半宴酣。左右復白印存。度不答。極歡而罷。或問其故。度曰。此不過胥吏輩盜印

書卷耳。緩之則存。急則投諸水火。不可復得矣。人皆服其明。

(三)趙、趙奢善用兵。死後。王以其子趙括爲將以拒秦。括母見王曰。括不可用也。其爲人也。徒讀父書而不能用。嘗與妾夫論兵強辯。而夫不能難。夫謂妾曰。括不知兵而強辯。使之爲將。必喪師而辱國也。王不聽。母曰。括如敗。請毋坐妾罪。王許之。後括果大敗。喪兵四十萬。

(四)明周才美爲太守。而其父暴橫於鄉。其妻處家。恒不樂。翁問之。答問。夫已貴。家不憂不富。而翁聚斂不休。過不遠矣。翁悟。乃改行爲善。其子雙目失明而免官。翁以善之無報也。乃復爲惡。子目忽明。仍起爲郡守。

念字箴言

明箴

二四

。閣家上任。婦不從。獨携少子居。翁姑夫與妾及子並  
童僕。俱覆於江中。無一免者。獨妻與幼子存焉。

念字箴言

德箴



德

箴

效法聖賢 貴乎自得  
持己化人 是之謂德  
進德之則 曰明曰修  
靡有愆失 心逸日休

# 註解

效法聖賢。貴乎自得。

摹仿聖賢而行道。最重者。是要有得於心。

效法、摹做之也、持己化人。是之謂德。

以聖賢之道持己。以聖

賢之道化人。是為有德之士。

進德之則。曰明曰修。

欲求德行

上進之法則。即在明聖人之至德。修聖人之至德而已。

○（易）「君子進德修業、」（大學）「在明明德、」

靡有愆失。心逸日休。既能修德。兼能明德。平日之視聽言動。又毫

無過犯。則身心自然安逸。與日同休息也。○  
（書）「作德心逸日休、」靡、無也、愆、過也、

## 故事

(一)漢王恽嘗詣京師。於客舍見一書生金彥疾。愍而視之。生曰。我當到洛陽。今被病。命在須臾。腰下有黃金十觔。願相贈。死後。乞葬骸骨。已而命絕。恽鬻金一斤營葬。餘悉置棺下。人無知者。後爲大度亭長。初到之日。有駿馬馳入亭中。少頃有風吹繡被一條。墮於亭前。恽言之於縣。縣以歸恽。恽後乘馬到洛陽。馬奔入他舍。主人問所由得馬。恽具告其狀。及繡被之事。主人曰。君何陰德至此。恽因說葬書生事。及書生形貌。併葬之處。主人驚曰。我子也。前往京師。不知所在。何意卿爲我瘞之。大恩久不報。天以此彰卿德耳。同往啓



棺。金俱在。

(二)楚莊王賜羣臣酒。酒酣。燭滅。有引美人衣者。美人援絕其冠纓以告。王曰。奈何欲顯婦人之節。而辱士乎。令左右皆絕其冠纓。比舉火。莫知爲誰。居二年。晉與楚戰。有一臣嘗在前。五合五獲首。郤敵勝之。王怪而問焉。對曰。臣蔣雄。乃夜絕纓者。

(三)陳安節之妻王氏。始嫁歲餘而夫卒。遺孤甫月。家貧。王氏躬操勤苦。如男女脩行最謹。教子孫有法。家漸以饒。鄉人敬之。呼曰堂前。初堂前之歸陳氏也。舅姑歿。妹求分財。堂前盡出室中所有與之。無吝色。妹得財。盡爲夫淫蕩所罄。貧不能存。堂前又爲置田宅。撫諸甥如己出。終無怨語。

念字箴言


德箴

三〇

(四)韓信釣魚於淮水。而漂絮之母。憐其貧。嘗食之。信曰。吾必有以報母。母曰。吾哀王孫而進食。豈望報乎。後信助漢破楚。封齊王。報母以千金。

念字箴言

正箴



正

體有不正 見者嗤笑

行有不正 寧免人謂

箴

曷謂之正 表裏無差

禮毋不敬 詩思無邪

# 註解

體有不正。

體、身體也。論語曰。正其衣冠。尊其瞻視。禮曰。正爾容。此皆言體之宜正。

也。倘衣冠容貌。一有不正。

見者嗤笑。

他人見之。自然冷笑。○嗤、音蚩、冷笑也。

行有不正。

行。言行也。倘語言動作。一有不正。

寧免人誚。

又

能免人之譏誚。

曷謂之正。

然則應如何而後能正。

表裏無差。

以

本言之。衣冠容貌。語言動作。固屬宜正。其最要者。必須先正其心。心正是裏。衣冠容貌語言動作是表。心正而衣冠容貌語言動作能正。而後表裏庶無差錯。倘外表雖正、而心不正。則外若君子。內實小人。所以講正

字。先從正心始。禮毋不敬。

禮記所謂毋不敬三字。是言心身既正。則處事無不敬恭。

詩思無邪。

詩經所謂思無邪三字。是言心身既正。則思想自無邪念。此六字可以將正字之

意義。包括殆盡矣。

## 故事

(一)魯人有獨處室者。鄰之嫠婦亦獨處一室。夜暴風雨至。嫠婦室壞。趨而託焉。魯人閉戶而不納。嫠婦自牖與之言。何不仁。而不納我乎。魯人曰。吾聞男女不六十不同居。子幼。吾亦幼。是以不敢納爾也。婦曰。子何不如柳下惠。魯人曰。柳下惠則可。吾固不可。吾將以吾之不可。學柳下惠之可。孔子聞之曰。善哉。欲學柳下

惠。未有似於此者。

(二)清舊紳張遵路嚴毅正直。勤於教誨。人皆化之。後生遇於途。皆正立拱手。俟先生過。乃行。婦女立門首。遙見先生來。卽返內室。不敢令先生見也。時有盜麥者。衆擒獲送官。過先生門。逡巡不前曰。王法自甘。切勿令張某知也。某姓兄佔弟產。官斷未決。乃詣先生質之。甫見面。兄卽抱愧流汗。一字不能對。先生曰。天下易得者財產。難得者兄弟。反覆勸諭。二人伏地涕泣。以其產贖族。相讓不取。先生嘗謂人曰。蒙以養正。聖功也。爲聖爲賢。須自童子始。故其教幼學。一舉一動。一語一默。皆有法度。鄉塾生徒。奉爲準繩。

(三)班婕妤者。漢左曹越騎校尉况之女。彪之姑也。少有才

學。成帝選爲少使。大被寵幸。居增成舍。帝嘗遊后宮。欲與同輩。婕妤曰。妾觀古聖帝明王。皆有賢臣正士。待其左右。惟衰世之君。乃有女嬖在側。妾不敢恃愛以累聖明。其後趙飛燕姊妹妒寵爭進。譖班婕妤。怨望祝詛。帝考問。對曰。妾聞修正尙未獲福。爲邪欲以何望。使鬼神有知。不受不臣之愬。如其無知。愬之何益。帝然之。婕妤自知難容。乃求供事太后於長信宮。

(四) 鄭廉唐人。妻李氏。年十七嫁廉。一歲而廉死。李守志不移。夜夢一男子求爲妻。初不許。後數夜夢之。李曰。豈容貌猶研。招此邪魔耶。卽斷髮垢面。塵膚敝衣。自是不復夢。備嘗甘苦。守節終身。刺史白其操。號堅正節婦。



念字箴言

義箴



三七

義

取予是非 惟義是踐

財毋苟得 難毋苟免

箴

事行不行 言知不知

榮辱休問 順理則宜

# 註解

取予是非。惟義是踐。

平日收人之物。或與人之物。以及。辨別事

理之是與不是。獨本於義字實行。踐、實行也。

財毋苟得。難毋苟

免。

當其財來之時。不合乎義。決不苟且取得。當其難來之時。如合乎義。決不苟且求免。○(禮)一

臨財毋苟得、臨難毋苟免、

難、去聲、事行不行。言知不知。

事合乎義。不管行與不行。勇往前進。言不肯義。不管知與不知。誠懇說出。

榮辱休問。

順理則宜。

即因此受榮受辱。在所不問。只圖言行合乎事理之宜。求其心安而已。

## 故事

(一)左儒友於杜伯。皆臣周宣王。王將殺杜伯而非其罪也。左儒爭之於王。九復而王不許也。王曰。別君而異友。斯汝也。對曰。臣聞君道友逆。則顯君以誅友。友道。則率友以違君。王怒曰。易而言則生。不易則死。對曰。吾聞古之義士。不枉義以從邪。不易言以求生。故臣能明君之過。以正杜伯之無罪。王殺杜伯。左儒死焉。

(二)漢樓護有故人呂公無子。與共歸護。護身與呂公同食。妻與呂嫗同食。及護家居。妻子頗厭呂公。護聞之流涕。責其妻子曰。呂公以故舊窮老。託身於我。義所當奉也。遂養呂公終身。

(三)齊王孫賈從閔王出走而失王。賈自歸。母曰。汝朝出不歸。吾倚門而望。暮出不返。吾倚閭而望。今汝從王出走。不知王之所在。豈得爲義乎。賈乃出。因知王被殺。集士人爲兵。誅殺王者。立王子爲襄王。

(四)魯義姑姊者。魯野之婦人也。齊攻魯至郊。望見一婦人。抱一兒携一兒而行。軍且及之。棄其所抱。抱其所携而走於山。兒隨而啼。婦人遂行不顧。齊將問兒曰。走者爾母耶。曰。是也。母所抱者誰也。曰。不知也。齊將追之。軍士引弓將射之曰。止。不止。吾將射爾。婦人乃還。齊將問所抱者誰也。所棄者誰也。對曰。所抱者。妾兄之子也。所棄者。妾之子也。見軍之至。力不能兩護。故棄妾之子。齊將曰。子之於母。其親愛也。

痛甚於心。今釋之而反抱兄之子何也。婦人曰。己之子。私愛也。兄之子。公義也。夫背公義而嚮私愛。亡兄子而存妾子。幸而得幸。則魯君不吾畜。大夫不吾養。庶民國人不吾與也。夫如是。則脅肩無所容。而累足無所履也。子雖痛乎。獨謂義何。故忍棄子而行義。不能無義而視魯國。於是齊將按兵而止。

念字箴言

信箴



四三

信

箴

君子之道 失信不立

信不由衷 質亦無益

閑邪存誠 然諾勿輕

實事求是 蠻貊猶行



# 註解

君子之道。失信不立。

才德過人。謂之君子。君子處世之道。必

誠篤不欺。有約必踐。方可保全信用。若是無信。一不能立德。二不能立功。三不能立言。不能立德立功立言。不獨不能成爲君子。即平常之人。亦不能在社會上立足。○（論語）「民無信不立」

信不由衷

。質亦無益。

若信不由自己心中發出。必無誠實之語言文字。雖以契約爲質。必不能踐

。故無益於事。○（左傳）「信不由衷、質亦無益、」

閑邪存誠。

凡受人之託。當防其有無邪

惡之念。而自存其誠實方可。○（易）「閑邪存其誠」閑、防也。然諾勿輕。如事所不應爲

者。或己之才力不勝任者。勿輕相允諾。一經允諾。必應踐言。○(史記)「此固趙國立名義不輕爲然諾者也。」

然諾、允  
許也、**實事求是**。果能言行不欺。實事以求其是。○(漢書)「河間獻王脩學而

好古、實  
事求是」**蠻貊猶行**。雖在蠻貊之邦。猶可行其信用。○(論語)「言忠信、行篤敬

、雖蠻貊之  
邦行矣。」

## 故事

(一)揚州刺史劉繇與太史慈同郡。會孫策兵至。繇使慈偵視輕重。慈與策戰。慈敗。與繇俱奔豫州。慈於神亭爲策所執。策解其縛。策曰。太史子義。青州名士。以信義爲先。終不欺策。拜慈爲折衝中郎將。後劉繇亡於豫章。

。士衆萬餘人。未有所附。策命慈往撫安焉。左右皆曰。慈必北去不還。策曰。子義捨我。當復與誰。餞送昌門。把腕別曰。何時能還。答曰。不過六十日。果如期而返。

(二) 劉庭式未第時。議娶鄉人女。既約。式及第。女以疾瞽。或勸娶其幼女。式曰。吾已心許之矣。豈可負吾初心哉。卒娶之。

(三) 孟子少鄰於屠家。問母殺豬何爲。母戲曰。與汝食也。既而悔曰。與子戲言。是教以不信也。乃解簪珥。買肉以示信。

(四) 唐賈直言諫謫嶺南。謂妻董氏曰。我去。生死未可知。汝少。不宜獨居。可自爲計。董乃以綿束髮。令夫手書。

念字箴言


信箴

四八

封之。誓曰。非夫至不解。二十年而夫始歸。親解其髮。

念  
字  
箴  
言

忍  
箴



四  
九

忍

處心積慮 免亂大謀

懲忿窒怒 庶無愆尤

行有不得 反求諸己

事事能耐 何苦不已

箴

# 註解

處心積慮。免亂大謀。

當其拂逆之來。如能處心積慮。暫忍一時。即

可分別事理之輕重緩急。力誅辦法之安全。庶不致因小不忍而紊亂大謀。懲忿窒慾。能

學君子懲戒自己之忿怒。窒塞自己之慾望。○(易)「君子懲忿以窒慾。」庶無愆尤。

然後對於應事接物。庶免無過。○愆尤。過也。行有不得。反求諸己。

凡一言一事。不得其成效。則須反求諸己。恐我之言行不當。而我之思慮未至也。(孟子)「行有不得者、皆反

求諸己。」事事能耐。何苦不已。  
無論何事。於不能忍耐之時而能

忍耐。卽任何苦惱。皆可止矣。○已、止也、

## 故事

(一)唐婁師德氣量過人。有無知者。指名辱罵。公若不聞。或以告公。公曰。恐是罵他人耳。曰。明呼公名。曰。天下豈無同姓同名者哉。或猶不平。仍以爲言。公曰。彼罵我而子述之。是重罵我也。毋勞見告。一日入朝。因體肥行緩。同列曰。何異田舍翁。公笑曰。某不爲田舍翁。其誰爲之。其弟除代州刺史。將行。公謂曰。吾兄弟受國厚恩。祿位過盛。時人所忌。何以自寬。弟曰。有睡面者拭之。庶不爲兄憂。公愀然曰。人睡汝面。



是怒汝也。拭之。是逆其意而甚之怒也。夫唾不拭自乾。當笑承之。方是處盈之道。公爲帝所信任。愈加謙謹。凡遇毀謗之來。卽反躬自責。若無地自容。嘗曰。人以非理相加。其中必有所恃。付之不較非惟養量。亦以免禍。此君子所以三自反也。

(二)大司徒馬森。其封君諱某。年四十始得一子。一日婢抱出門。從高階失手下墜。破其左額。旋死。封君見之。卽令婢遁去。而自抱死子曰。失手致之傷也。婦哀痛尋婢撻之。無有也。婢歸匿母家。言其故。婢父母日夜籲天。願公早生貴嗣。次年果生子。左額宛然赤痕。卽司徒也。

(三)謝小娥幼有志操。許聘段居真。父與居真同爲商販。盜

申蘭申春殺之。小娥詭服爲男子。託傭申冢。因羣盜飲酒。蘭春與羣盜皆醉臥。娥閉戶斬蘭首。大呼捕賊。鄉人擒春。得贖巨萬。娥乃祝髮爲尼。

(四)衛姑定姜者。衛定公之夫人也。定公惡孫林父奔晉。晉侯使卻犖爲請還。定公欲辭。定姜曰。不可。是先君宗卿之嗣也。大國又以爲請而弗許。將亡。雖惡之。不猶愈於亡乎。君其忍之。夫安民而宥宗卿。不亦可乎。定公遂復之。君子謂定姜能遠患難。

念字箴言

公箴



五五

公

天無不覆地無不載

不偏不倚無憎無愛

勿分畛域執兩用中

化行天下是謂大公

箴

# 註解

天無不覆。地無不載。

天無私覆。地無私載。世界衆生。同受天

覆地載之恩。得天之三光以養。食地之五谷以生。可見天地好生之心。至公無私。○(禮)「天之所覆、地之所

載、一覆、扶富切、蓋也、載、乘也、

不偏不倚。

如人能以天地之心爲心。凡制裁一切

事理。自然如衡之平。不偏不倚。

無憎無愛。

即於此於彼。亦不以私心而動憎愛。

勿分畛域。

世界雖有國界種界教界以及種種界限。心中不要存畛域之見。○畛域、即界限也、

執兩用中。

守其中道而行。亦不致趨於極端。○(中庸)「執其兩端用其中於民、其斯以

爲舜乎、

化行天下。是謂大公。

以此教化行於天下。乃大公

無我之心也。

## 故事

(一)徐有功爲司刑寺丞時。酷吏周興等構陷無辜。皆抵極法。公卿莫敢正言。有功獨論奏曲直。武后厲聲詰之。有功神色不變。爭之彌殷。

(二)陳執中作相。有婿求差遣。執中曰。官職願自國家。非臥房箱籠中物。婿安得有之。卒不與。

(三)李穆妻南鄭人安衆令程文鉅之妻也。有二子。而前妻四子。以穆妻非所自出。謗誹日積。穆妻衣食撫字。皆倍

所生。或謂母曰。四子甚矣。何以慈爲。對曰。四子無母。吾子有母。設吾子不孝。甯忍棄乎。長子興疾。因篤。母親調藥膳。憂勞憔悴。興愈。呼三弟謂曰。繼母慈仁。出自天性。吾兄弟禽獸其心。慙負深矣。遂將三弟詣縣。陳母之德。狀己之罪。乞就刑。縣言之郡。郡守表異其母。四子許令自新。皆爲孝子。

(四)歐陽氏。宋人。適廖忠臣。踰年。而舅姑死於疫。遣一女閨娘。纔數月。歐陽適生女。同乳哺之。又數月。乳不能給。乃以其女分鄰婦乳。而自乳閨娘。二女長成。歐陽於閨娘。每倍厚焉。女以爲言。歐陽曰。汝我女。小姑。祖母之女也。且汝有母。小姑無母。何可相同。因泣下。女媿悟。諸凡讓姑。而自取餘。忠臣後判清河。

。二女及笄。富貴家多求姪氏。歐陽曰。小姑未字。吾女何敢先。日聘吾女者。非以吾愛吾女乎。其問諸鄰人。卒以富貴家先閨娘。簪珥衣服諸器用。罄其始嫁妝奩之美者送之。送女之具不及也。如是閨娘每謂人曰。吾嫂吾母也。歐陽歿。閨娘哭之。至嘔血。病歲餘。聞其哭者。莫不下淚也。



念字箴言

博學



博

箴

佛曰平等墨曰兼愛  
一視同仁所以無礙  
讀聖賢書究竟何學  
民胞物與是名曰博

# 註解

佛曰平等。

佛言宇宙本質。皆同一體。一切法。一切衆生。本無差別。故曰平等。

墨曰兼愛。

墨子兼愛。亦平等之愛。無人己親疎之別。

一視同仁。

如能視一切衆生爲一體。而行平等之仁愛。

○(韓愈文)

「一視而同仁、篤敬而舉遠、」

所以無

礙。

所有一切障礙。皆可化除。

讀聖賢書。究竟何學。

讀

聖賢之書。究竟所學何事。

民胞物與。

必須學聖賢仁愛之心。視民如同胞。視物如同侶。

○(西銘)「民吾同胞、物吾同與、」與、伴侶也、

是名曰博。

能如是學聖賢。則胸襟自然

闊大。有此闊大胸襟。  
。由是名之曰博。

## 故事

(一)江南有縣令鍾離君。與隣縣許令聯姻。鍾離買婢從嫁。一日。其婢執箕帚。至堂前熟視。泣曰。幼時我父曾於此穴地爲毬窩。導我戲劇。鍾曰。汝父何人。婢曰。我父前令也。身死家破。流落民間。令詢得實。以書抵許令曰。吾買婢得前令之女。憐而悲之。義不可久辱。當輟吾女嫁贖。先爲求婚，更俟一年。別爲吾女營辦奩篋。以歸君子。可乎。答曰。蘧伯玉恥獨爲君子。願以前令女配吾子。君別求良媒。以嫁君女。於是以前令之女歸許氏。

(二)張廷賞爲淮南節度使。歲旱。民他遷。吏禁之。廷賞曰。食者人視以爲活。拘此而斃。不如適彼而生。吾人何限爲。乃具舟遣之。飭吏修室廬。以避風雨。

(三)王建封閩帥。章氏之牙將也。犯罪當誅。章氏因帥醉縱之。逃入南唐。後爲大將。攻建州。城將下。建封遣人以令箭插母之門曰。主將屠城。插此箭者免。且以報母恩也。母還其箭曰。吾不忍闔城盡死。而吾家獨全也。願與城俱盡。建封義之。及城下。一城皆免。章氏世顯於閩中。

(四)宋謝枋起兵復宋。不克而餓死。妻李氏。逃匿山中。携二子採草木而食。元將捕李。乃下令曰。不得李氏。即屠其山民。李氏曰。不可以我故。而傷民命。乃出就俘。

念字箴言

博箴

六六

於建康獄。比聞夫卒。乃自縊死。二子獲免。



念字箴言 孝

六七

孝

箴

養親之身 乃孝之恒  
成親之德 乃孝之純  
養致其敬 喪致乎哀  
能通孝道 作聖之階



# 註解

養親之身。乃孝之恒。以甘旨奉親。爲養親之身。乃恆人之孝。

成親之德。乃孝之純。以道德薰親。使親成爲有德之人。乃純孝之道。

養致其敬。以衣服飲食居處醫藥四事爲養。以禮貌恭順爲敬。若只知養活父母。則犬

馬亦受人喂養。養不致敬。與犬馬何異。爲人子者。必須敬養無虧。方盡子職。喪致乎哀

。倘不幸父母命終。居喪之時。能極盡本心之哀慟。即可終止。若因哀慟而自毀其身。亦非孝道。○（論語）

「喪致乎哀而止。」能通孝道。作聖之陔。能通達行孝之道。推之

於仁民愛物。無不相宜。由仁愛其親以及於民物。乃聖賢功用。人能知此。即作聖之階也。C 陔音該階也。

## 故事

(一) 閔子騫早喪母。爲後母所苦。冬月。以蘆花衣之。己所生二子。則衣之以綿。父令子騫御車。體寒不能行。父責之。子騫不自理。父察知之。歸謂婦曰。我所以娶汝。乃爲吾子。今汝欺我。去無留。子騫前曰。母在一子寒。母去三子單。其父默然。後母悔。待三子如一。故曰。孝哉閔子騫。一言其母還。再言三子溫。

(二) 子路問於孔子曰。昔者由也事二親之時。常食藜藿之食。爲親負米百里之外。親歿之後。南遊於楚。從車百乘。積粟萬鍾。累茵而坐。列鼎而食。願欲食藜藿。爲親

負米。不可復得也。孔子曰。由也事親。可謂生事盡力。死事盡思也。

(三)趙孝婦早寡家貧。爲人織紵。得美食。必持歸奉姑。自啖粗糲。嘗念姑老。後事無資。乃嚮次子於富家。得錢百緡。買木治棺。棺成。南鄰失火。順風而北。勢迫矣。孝婦急扶姑出。而棺重不可移。乃伏棺大哭曰。吾賣兒得棺。無能爲我救者。天乎天乎。言畢。火越而北。人以爲孝感所致。

(四)曹娥者。上虞曹盱之女也。盱能撫劍長歌。婆娑樂神。以漢建安二年五月五日。迎伍君。逆濤而上。爲水所沒。不得其屍。娥年十四。沿江號哭。十七晝夜不絕聲。遂自投江以死。經五日。抱父屍出。縣長度尙。改葬娥於

念字箴言 孝經

江南道傍。爲立碑焉。

念  
字  
箴  
言

仁  
儼



七  
三

# 仁 箴

惻隱為懷 澤及萬物  
立人達人 即聖即佛  
士志於仁 無適非理  
造次顛沛 亦必如是

# 註解

**惻隱爲懷。**

惻然不忍之心。人皆有之。能以不忍之心爲心。卽是仁心。○(孟子)「惻隱之

心、人皆有之、

**澤及萬物。**

推而廣之。其恩澤可以及於萬物。如生虫不履。生草不傷。

非見之於心有所不忍。乃仁之至者也。

**立人達人。**

有仁心之人。須立人。我看作一體。

己欲立。亦欲人之能立。自己欲達。亦欲人之能達。○(論語)「夫仁者、己欲立而立人、己欲達而達人、」

**卽聖卽佛。**

知己之所欲。卽人之所欲。然後推己之所欲以及於人。乃聖人之德。亦成佛之

基也。

**士志於人。**

士君子有志於仁。

**無適非理。**

一行一動無不合乎

天理造次顛沛亦必如是。當其急促之時。或受挫折之時。亦必

如是始終不變。孔子曰。無求生以害仁。有殺身以成仁。此之謂也。○(論語)「君子無終食之間違仁、造次必於是、顛沛必於是、」造次、是苟且急遽、顛沛、是傾覆流離、

## 故事

(一)宋程頤號伊川。明道先生之弟也。哲宗朝爲崇政殿說書。一日講書畢。哲宗偶起。憑欄戲折柳枝。頤進曰。方春草木發生。不可無故摧折。又問陛下在宮中盟吐。嗽水必避蟻。信有之乎。帝曰。然。誠恐傷之耳。頤曰。推此心以及四海。帝王之要道也。嗟乎。仁人之言。其利甚溥。非仰體好生大德。豈能念及昆虫草木哉。



(三)陳惠度於剡山射一孕鹿。旣傷。產下小鹿。以舌舐子身。乾。而母乃死。惠度見之慘然。遂棄弓矢爲僧。建惠安寺。唵縣東鹿死處生草。曰鹿胎草。徐太史詩曰。舐兒痛恨徹心頭。禮懺蓮台悔未休。芳草萋迷埋鹿處。斑斑猶有淚痕流。

(三)驚不疑爲京兆尹。行縣錄囚還。其母輒問有所平反。母喜笑飲食言語。異於他時。或無所出。母怒爲之不食。由是不疑爲吏不殘。君子謂不疑母能以仁教。

(四)歐陽修母鄭氏。家素貧無資。親教公讀書。以荻畫地。教公書字。嘗謂汝父嘗夜覽囚冊。屢廢而嘆。吾問之。曰。死獄也。求其生不得耳。吾曰。生可求乎。曰。求其生而不得。則死者與我。皆無恨也。矧求而有得耶。

念字箴言

仁箴

七八

以其有得。則知不求而死者。有餘恨矣。夫常求其生。猶失之死。而世常求其死。豈天道哉。修服之終身。

念字箴言

慈箴



七九

慈

寬惠行德 成物成己

惡殺好生 乃慈之體

矜恤孤獨 拯救困難

博施濟眾 乃慈之功

箴

# 註解

寬惠行德。

以寬惠爲懷而行慈德。○（國語）「甚寬惠而慈於民」

成物成

己。

成全民物之生命。即成全自己生命之道。

惡殺好生。乃慈之

體。

故惡殺好生之心。乃慈之體也。

矜恤孤獨。

以衣食財藥。矜恤孤獨。○（孟

子）「老而無妻曰鰥、老而無夫曰寡、老而無子曰獨、幼而無父曰孤、此四者、天下之窮民而無告者、文王發政施仁、必先拯救困窮。」

以衣食財藥。博施濟衆

。乃慈之功。

能如是廣施恩惠。救濟衆民之患難。乃仁人行慈之功用也。○（論語）「如

有博施於民而能濟衆何如、可謂仁乎、子曰、何事於仁、必也聖乎、堯舜其猶病諸、」

## 故事

(一)齊襄王立。田單相之。過淄水。有老人渡淄而寒。出不能行。坐於沙中。田單見其寒。欲後車分衣。無可以分者。單解裘而衣之。

(二)元延祐間。蓋苗登進士第。受濟甯路單州判官。歲飢。白郡府。會他邑亦以告郡府。遣苗至戶部以請。戶部難之。苗伏中書堂下。出糲餅以示曰。濟甯民率食此。况不得此食者尤多。豈可坐視不救。因泣下。時宰大悟。凡被災者。咸獲賑焉。

(三)秦築長城。巴蜀一郡。當役萬人。有寡婦名清者。上書

。願傾家財。募人築附近邊城。以免萬人之役。乃盡出資帛百餘萬。築邊城數百里。不費官錢。而民皆不離鄉里。又得工役之賞。而爭效其力。不數月而城已完固。始皇嘉之。築懷清之臺。以旌其功焉。

(四)袁了凡初艱嗣。後乃生若思。母作冬襖。將嚮絮。了凡曰。絲綿輕煖。篋中自有。何必嚮。母曰。絲貴絮賤。吾欲以絲易絮。多製絮衣。贈親戚中寒無衣者。了凡曰。有是哉。此子壽矣。

念字箴言

慈箴

八四



念字箴言

覺



八五

覺

天生我材 是為世用  
醉生夢死 何足為重

箴

見性明心 端賴善學  
正誼明道 以覺後覺

# 註解

天生我材。是爲世用。

天既生我以才智。是爲世間有益之用。○材、

與才通。醉生夢死。何足爲重。

若心爲見聞所惑唯求自利。如醉如夢

昏瞶一生。此等人於世無益。不足輕重。○(程子語錄)「雖高明才智、膠於見聞、醉生夢死、不得覺也、」

見性明心。

欲知我佛之真如實相。必須洞明心性之本源。○(史記)「宋仁宗曰、明心見性

深、」

端賴善學。

欲洞明心性之本源。全在自己心正而加以行修方可。○(

(雜記)「心正而行修曰善學、」

正誼明道。

如自己覺悟一切事物之真實理相。必先定其正

誼。使民勿入岐途。明其至道。使民有所依歸。○(董仲舒策)「夫仁人者、正其誼不謀其利、明其道不計其

「功、以覺後覺。以之覺化後人。同歸正覺。此乃聖賢仙佛救世之苦心也。○(孟子)一

予、天民之先覺者也、予將以斯道覺斯民也、」

## 故事

(一) 僧慧能。嶺南人。師黃梅五祖弘忍禪師。五祖器之。以袈裟遮圍。不令人見。為說金剛經。至應無所往而生其心。慧能言下大悟。一切萬法。不離自性。遂啓祖言。何期自性本自清淨。何期自性本不生滅。何期自性本自具足。何期自性本無搖動。何期自性能生萬法。祖知悟本性。傳與衣法。令嗣祖位。是為禪宗第六祖。

(二) 呂洞賓隨正陽真人雲房同憩一肆中。雲房自起執炊。洞

賓忽昏睡。夢以舉子赴京。狀元及第。歷官清要。前後兩娶貴家女。婚嫁早畢。簪笏滿門。如此幾四十年。最後獨相十年。權要薰炙。忽被重罪。籍沒家貲。分散妻孥流嶺表。路值風雪。僕馬奔瘁。一身無聊。方與浩嘆。恍然夢覺。雲房在傍。炊尙未熟。笑曰。黃梁猶未熟。一夢到華胥洞賓驚曰。子知我夢耶。雲房曰。子適來之夢。升沉萬態榮悴多端。五十年間。一頃耳。得不足喜。喪不足憂。且有大覺而後知此。人世間其大夢也。洞賓感悟。遂拜雲房求度世術。得道後。號純陽。在五季及宋時。化跡最著。後世稱爲純陽祖師。

(三) 蔣十八妻者。海鹽人。中歲與其夫斷除愛慾。日誦大乘經。歷四十餘年。一日各洗漱更衣。炷香唱佛名。并書

一頌而逝。蔣頌曰、這個幻身。四大合成。今日分散。各歸其根。諸幻既滅。灰飛烟絕。如空中風。猶碧天月。既無障碍。又能皎潔。一切永斷。無有言說。四十年來。脫離嗜慾。惟闡大乘。朝誦暮讀。今朝擺手。西歸自有。現成果足。其妻頌曰。看過蓮經萬四千。平生香火有因緣。西方自是吾歸路。風月同乘般若船。

(四)趙一子者。揚州殷氏女也。早寡。掩關學道。三年坐脫。遺詩偈一卷。其一詩云。靜中無箇事。反覆弄虛空。地老天荒後。魂飛魄喪中。有師開道統。無法度愚蒙。忽底虛空碎。夕陽依舊紅。又有看花詩云。土來澆灌水來栽。顛倒工夫任我來。滿院春風花自語。不將顏色向人開。

念  
字  
箴  
言

節  
節



九

節

高世之節 不屈不移

聖達次守 前志有之

寧為玉碎 不作瓦全

箴

歲寒松柏 貞操凜然



# 註解

## 高世之節。

凡人有超乎流俗之志操。○節、操守也。

## 不屈不移。

不爲威武所屈。不爲貧賤所移。○（孟子）「貧賤不能移、威武不能屈、此之謂大丈夫。」

## 聖達次

## 守前志有之。

夫節、猶分也。言聖人達天命。若舜禹受禪。湯武革命。其次則自守己分

而不取。如子臧季札之類。此皆古人志記所有也。○（左傳）「晉侯執曹伯，諸侯將見子臧於王而立之子臧辭

曰、前志有之、聖達節、次守節、下失節、爲君、非吾節也、不能聖、敢守失乎」

## 寧爲玉

## 碎。不作瓦全。

寧肯全其氣節如玉之碎。不欲損其氣節若瓦之全。○（北齊書元景

安傳「大丈夫寧爲玉碎不作瓦全」

歲寒松柏。貞操凜然。

譬如冬令嚴寒。草木凋零。獨有松柏之性。堅苦卓絕。凜然存在。其操守爲何如耶。○（論語）「歲寒然後知松柏之後凋也」

## 故事

（一）蘇武漢杜陵人。武帝時。以中郎將使匈奴。單于幽蘇武置大窖中。絕不飲食。天雨雪。武臥齧雪與旃毛并咽之。數日不死。匈奴以爲神。乃徙武北海無人處。使牧羝別其官屬常惠等各置他所。武既至海上。廩饈不至。掘野鼠去草實而食之。起臥操持。節旄盡落。仗節牧羊。十九年始歸。昭帝拜爲典屬國。宣帝時。賜爵關內侯。

圖形麒麟閣。

(二)齊大飢。黔敖爲食於路。以待飢者而食之。有餓者蒙袂輯屨。貿貿然來。黔敖左奉食右執飲曰。嗟來食。餓者揚其目而視之曰。予惟不食嗟來之食。以至於斯也。從而謝焉。終不食而死。

(三)皇甫規妻。不知何氏女。美姿容。能文。工書。時爲規答書記。人怪其工。後乃知之。規卒。妻年方少。董卓爲相。聘以輜駟。百乘。馬二十四。奴婢錢帛充路。妻乃緩服。詣卓門。跪自陳請。辭甚酸愴。卓使侍者拔刀圍之。謂曰。孤之威令。四海風靡。乃不行於一婦人乎。妻知不免。乃起罵卓曰。君羌胡之種。毒害天下。猶未足耶。妾先人清德奕世。皇甫氏文武上才。爲國忠臣。

。君其隸走吏。敢行非禮於爾君夫人耶。卓乃引車庭中。以其頭懸輓。鞭撲交下。妻謝杖者曰。重加之。令我速死。遂死車下。後人圖畫。號曰禮宗云。

(四)秦范杞良娶妻三日。卽赴築長城之役。及天將寒。妻姜氏。製衣遠尋其夫。聞夫已死。積骸成立。乃檢骨滴血而識之。血皆不入。妻大哭三晝夜。城忽崩。見白骨數具。復滴血滲入骨。而不可拭者。知爲夫骨也。因負骸骨出潼關。力竭不能行。乃置骸於巖下。坐其傍而死。潼關人哀之。因葬其夫婦。立祠以祀之。

念字箴言

儉



九七

儉

儉德之共  
惜福之源

節以制度  
用無紛繁

寡欲約身  
可以養德

至於慳吝  
亦德之賊

箴

# 註解

儉德之共。

儉者、君子之德也。惟君子能有完備之儉德。○（左傳）「儉者、德之共也。」

共、平聲、備也、惜福之源。

儉德既能完備。乃開惜福之源。○（李彪傳）「夫尚儉者、開福

之源。

節以制度。用無紛繁。

人生世間。無不受金錢之支配。供情

欲之犧牲。若能崇尚儉德。則身內身外之事。而後有限制。有法度。既有一定限制。一定法度。自然不貪瞋癡愛。因不貪瞋癡愛。自不驕奢淫佚。由是可以用節制財產之用。不致紛亂。節制精神之用。不致繁擾。蘇子瞻謂節儉乃惜福延壽之道。不亦宜乎。

寡欲約身。可以養德。

欲求涵養

自己之儉德。必先從約束身心。減少私欲做起。○（司馬光訓儉文）「儉則寡欲。」（杜甫詩）「約身不願奢。」

至於慳吝。亦德之賊。

若外貌裝成儉樸之態。求外人稱譽。而自己一

切行爲。無不刻薄鄙吝。對於有益於人之事。分文不捨。此乃道德中之罪人。社會上之蝨賊。不足恥也。○（原化記）「賀知章謁賣藥老。問黃白術。遺一大珠。老人以珠易餅以賀。賀私念寶珠何以易餅。老人曰、慳吝未除、術何由成、」慳、欺、艱切、慳吝、鄙吝也、

## 故事

（二）宋曹彬爲晉州兵馬都監。一日與主帥賓從環坐於野。會隣道守將馳書來詣。使者不識彬。問曰。孰爲曹監軍。



有指彬示之。使者以爲飴已。笑曰。豈有國戚近臣。而衣弋絺坐素胡床者乎。審視之方信。

(二)裴俠除河北郡守。罷漁獵夫三十八人曰。吾不以口腹累人。又有丁三十人供郡守役。俠不以入私。并收庸爲市。官馬去時。一無所取。人歌曰。肥鮮不食。丁庸不取。裴公貞惠。爲世規矩。

(三)漢王良爲大司徒。妻子不入官舍。時司徒使鮑恢以事到東海。過其家。而良妻布裙曳柴歸。恢告曰。我司徒使也。故來受書。欲見夫人。答曰。妾是也。恢卽下拜。嘆息而還。

(四)桓少君。漢鮑宣妻也。始嫁。而僕婢粧資甚盛。宣不悅。曰。少君生富驕而適貧賤。吾不敢當。妻曰。父以先生

念字箴言


儉箴

一〇二

修德守約。故以妾事君子。惟命是從。乃歸其僕婢衣飾。  
。着荆釵布裙。與夫共挽鹿車回里。拜姑舅畢提甕出汲。

念字箴言

眞



眞

曷謂之眞  
純一無偽

不為利誘  
不以私蔽

箴

誠意正心  
內外相應

接物待人  
言行相稱

# 註解

曷謂之真。純一無偽。

莊子云。真者、精誠之至也。然應如何而後能

真必須心口意三者純然一致，絲毫不假○（東都賦）「棄末而返本、背偽而歸真、」偽、虛假也、不爲

利誘。不以私蔽，

故真誠之人。必不爲利祿所引誘、亦不爲私慾所蒙蔽。○（

圖畫見聞誌）「既不可以利誘。復不可以勢動」誠意正心。內外相應、

用意精誠。居心端正。自然內外相應、○（大學）「意誠而後心正」

接物待人。言

行相稱。

既能內外相應。施之於接物待人。其言行必能合度。非精誠之至。其孰能之。○稱

。去聲適  
合也

## 故事

- (一)北宋末。汴梁劉賈士曾借富人五十金。赴廣文之任。後值金兵擾汴。富人身亡家破。妻孥飢寒待斃。劉任回。只剩七十餘金。悉以給之。富人之妻。不知其夫在日有貸也。
- (二)趙方崖祖次山公。家居時。一販夫以贖銀三兩易谷去。越數日。公以數銖買一豕。既而別有所售。方知其贖。亟命訪鬻豕者。以真銀如數償之。並索贖者投之江。曰。勿留以誤他人也。後鬻豕者來謝。公曰。吾方懼汝憾我也。又何謝。

(三)楚伍子胥逃難過漂水。見浣紗之女攜食筐。子胥曰。吾

三日不食。夫人盡憐矜而賜餐。女乃跪授胥食。已告曰。追者至。夫人幸勿言。女許諾。胥言之再三。女笑曰。吾三十養母而不嫁。豈與人言者乎。乃投水而死。子胥救之不及。及入吳。破楚歸。乃投金於水。以報其女。

(四)明揚州盧進士妻李妙慧。夫及第未歸。訛傳夫死。父母憐其貧寡欲嫁之。時有南昌巨商謝唐無子。母李氏。乃妙慧族姑也。欲以爲子妾。父乃佯攜女之謝舟而去。李知其故。數欲自縊。俱爲婢解。族姑聞之。乃以爲女而攜歸舟。過金山寺。李題詩而自署曰。揚州進士盧某妻李妙慧題詩。有蓋棺不作橫金婦。入地當尋折桂郎。新詩題在金山寺。高挂雲帆過豫章之句。及盧授官歸。

踪跡其妻不得。因過金山寺見詩。乃棄官尋豫章。商船多而不可詰。因夜繞商舟而唱李之詩。謝姑聞而招之。因得見。妻以爲尼。乃復合。事聞而復其官。



念字箴言

禮箴



禮

箴

外恭內敬 威儀之節

禮防淫邪 禮懲慢嫺

禮以己亂 禮可成哲

人而無禮 禽獸何別

# 註解

外恭內敬。威儀之節。

行立坐臥、言語動作、以及各種威儀之節曰禮。

此不過言其表面之恭。其實必先心敬。而後內外如一。

禮防淫邪。

有禮可以防止人心

之淫邪○（禮記）「以此防民、民猶有自獻其身者、」

禮懲慢媠。

有禮可以懲戒人心之慢

媠。○（唐書齊澣傳）「睿宗將祠太廟。刑部尚書裴談攝太尉先告、澣奏孝享攝事、稽首而拜。恭明神也而談慢

媠不恭、不可不置之如法、」

禮以已亂。

有禮可以已亂。○（左傳）亂之生也、唯禮可

以止之、」

禮可成哲。

有禮可以成哲。○（張衡周天大象賦）「因罔念而作狂、在恭己而

成哲人而無禮禽獸何別。人而無禮。放僻邪侈。無所不爲。則無異

於禽獸也。

## 故事

(一) 司馬溫公居洛。正直自持。以禮教化人。風俗爲之一變。皆知崇尚道德。不急貨利。人隨貧富。皆知自足。後生小子。知畏廉恥。欲行一事。必相戒曰。毋適非禮。恐爲司馬公所知。所謂一日克己復禮。天下歸仁是也。

(二) 楊時字中立。南劍將樂人。潛心經史。第進士。調官不赴。以師禮見程顥於潁昌。相得甚歡。其歸也。顥目送之曰。吾道南矣。顥卒。又從程頤於濟。時年已四十。事

頤愈恭。一日頤偶瞑時。與游酢侍立不去。頤既覺。則門外雪深一尺矣。學者稱龜山先生。

(三)孟母仇氏。舍近墓。孟子少嬉戲。爲墓間事。母曰。此非吾所居。乃去舍市傍。孟子嬉戲。爲賈人街賣事。母曰。此非吾所居。復徙舍學宮之傍。孟子嬉戲。乃設俎豆。揖讓進退。母曰。可矣。遂居之。及孟子長。學六藝而歸。母方績。問學所自。孟子曰。自若也。母以刀斷其織曰。子廢學。若吾斷斯織也。夫君子學以立名。聞以廣知。奈何廢之孟子懼。旦夕勤學。

(四)荆國大長公主。宋太宗女也。眞宗時。下嫁駙馬都尉李遵勳。舊制選當者。降其父爲兄弟行。時遵勳父繼昌無恙。主因繼昌生曰。以舅姑禮謁之。帝聞之喜。密以緜

念 宇 箴 言

禮 箴

衣寶帶器幣助爲壽。

一  
一  
四

念字箴言

和氣



和

審一定和 應情中節

不剛不柔 已安人悅

箴

行不虛異 虛衷遜辭

和而不流 是為得之



# 註解

審一定和。

和乃萬物之生氣。生氣之本在心。人心不死。本性不失。性一而已。故定一爲

和之本源。○（禮）「二者、心也、人性本一、至和存焉、所應之情不一、故唯精審一以定和、」應情

中節。

和從中出。應於情感。則無不中禮節之處。○（中庸）「喜怒哀樂之未發謂之中、發而皆中節謂

之和、不剛不柔。己安人悅。

純剛是死氣。純柔亦是死氣。凡

萬物之生氣。柔中有剛。剛中有柔。所以不剛不柔。乃天地中和之氣。以中和之氣。應於情感。在自己可以心安。在地人行不崖異。和平之人。做事必不孤僻。○（莊子）「行不崖異謂之寬、」

謂自立於崖岸以表異也、卽孤僻之謂。

虛衷遜辭。

○ 心中有若虛空。立辭必然謙遜。

和而不流。是爲得之。

○ 若徒知和之爲貴。而一於和。則流蕩忘反。

○ 亦不可行。故君子和而不流。而後得和之美用。○「中庸」「故君子和而不流、強哉矯、」

## 故事

(二) 潁川多豪強難治。趙廣漢患其俗朋黨。乃搆會吏人。令相告訐。由是爲俗。人多怨恨。及韓延壽爲潁川。欲改更之。示以禮讓。乃召郡中長老鄉里所信者數十人。設酒對訟以謠俗。爲陳和睦親愛。銷除怨咨之路。長老以爲便可施行。由是郡中翕然。民不忍欺。

(二)繆彤兄弟四人。皆同財產。及各娶妻。諸婦遂求分異。彤乃掩婦而自撾曰。繆彤。汝修身謹行。學聖人之法。將以整齊風俗。乃何不能正其家乎。及諸婦聞之。悉叩頭謝罪。遂更爲敦睦之行。

(三)蘇少娣姓崔氏。蘇兄弟五人。娶婦者四矣。各聽女奴語。日有爭言。甚者閱牆操刃。少娣始嫁。姻族皆以爲憂。少娣曰。木石鳥獸。吾無如彼何矣。世豈有不可與之人哉。入門。事四嫂。執禮甚恭。嫂有缺乏。少娣曰。吾有。卽以遺之。姑有役其嫂者。嫂相視不應命。少娣曰。吾後進。常勞吾爲之。母家有果肉之餽。召諸子姪分與之。嫂不食。未嘗先食。嫂各以怨言告少娣者。少娣笑而不答。少娣女奴。以妯娌之言來告者。少娣答之。

尋以告嫂。引罪。嘗以錦衣抱其嫂小兒。適便溺。嫂急接之。少娣曰、無違。恐驚兒也。了無惜意。歲餘。四嫂自相謂曰。五嬸大賢。我等非人矣。奈何若大年。爲彼所笑。乃相與和睦。終身無怨語。

(四)梁鴻字伯鸞。家貧。尚節介。同縣孟氏有女。肥醜而黑。力舉石曰。擇對不嫁。父母問其故。曰。欲得賢如梁伯鸞者。鴻聞而聘之。始以裝飾入門。後乃更椎髻。著布裾。操作而前。鴻曰。此真梁鴻妻也。字之曰德輝。著名孟光。至吳。舍臯伯通家。爲人賃舂。光每具食。舉案齊眉。伯通曰。彼傭能使其妻敬之如此。非凡人也。以賓禮待之。

中華民國五十五年五月廿七日收到

10

803338

803338